



Na osnovu člana 42. Statuta Bošnjačkog nacionalnog vijeća, Izvršni odbor na svojoj sjednici održanoj 04.10.2016. donosi

## ODLUKU O NAKNADI ZA VRŠENJE DUŽNOSTI U VIJEĆU I ORGANIMA I TIJELIMA VIJEĆA

### Član 1.

Ovom odlukom uređuje se pravo na naknadu i njena visina, vijećnicima, predsjednicima odbora Vijeća, predsjedniku i potpredsjedniku Izvršnog odbora Vijeća, potpredsjednicima Vijeća, i članovima organa i tijela Bošnjačkog nacionalnog vijeća za učešće u radu i na sjednicama.

### Član 2.

Vijećnici, predsjednici odbora, predsjednik i potpredsjednik Izvršnog odbora, potpredsjednici i članovi organa i tijela Bošnjačkog nacionalnog vijeća imaju pravo na:

1. Naknadu za vršenje dužnosti u Vijeću,
2. Naknadu za prisustvo i učešće u radu na sjednicama i sastancima,
3. Naknadu za troškove prevoza radi prisustva i učešća u radu na sjednicama.

### Član 3.

Naknade iz člana 1. ove odluke obračunavaju se i isplaćuju na sljedeći način:

1. Članovima Bošnjačkog nacionalnog vijeća (vijećnicima) pripada mjesečna naknada za redovan rad u iznosu od 15.000,00 dinara;
2. Predsjednicima odbora Bošnjačkog nacionalnog vijeća pripada mjesečna naknada za redovan rad u iznosu od 19.000,00 dinara;
3. Potpredsjedniku Izvršnog odbora Bošnjačkog nacionalnog vijeća pripada mjesečna naknada za redovan rad u iznosu od 19.000,00 dinara;
4. Predsjedniku Izvršnog odbora Bošnjačkog nacionalnog vijeća pripada mjesečna naknada za redovan rad u iznosu od 24.000,00 dinara;
5. Potpredsjednicima Bošnjačkog nacionalnog vijeća pripada mjesečna naknada za redovan rad u iznosu od 24.000,00 dinara.

Naknade propisane ovim članom mogu se ostvariti samo po jednom osnovu.

1. Vijećniku izabranom za predsjednika odbora Vijeća pripada naknada propisana tačkom 2. ovog člana.
2. Vijećniku izabranom za potpredsjednika Izvršnog odbora Vijeća pripada naknada propisana tačkom 3. ovog člana.
3. Vijećniku izabranom za predsjednika Izvršnog odbora Vijeća pripada naknada propisana tačkom 4. ovog člana.
4. Vijećniku izabranom za potpredsjednika Vijeća pripada naknada propisana tačkom 5. ovog člana.

#### **Član 4.**

Naknade iz člana 2. ove odluke za prisustvo i učešće u radu na sjednicama obračunavaju se i isplaćuju na sljedeći način:

1. Potpredsjednicima, predsjedniku Izvršnog odbora, potpredsjedniku Izvršnog odbora, predsjednicima odbora i članovima organa i tijela Bošnjačkog nacionalnog vijeća pripada naknada za prisustvo i učešće u radu na sjednicama u iznosu od 1.000,00 dinara;
2. Naknada članovima odbora i tijela Bošnjačkog nacionalnog vijeća koji nisu vijećnici, za prisustvo i učešće u radu na sjednicama odbora i tijela iznosi 3.000,00 dinara
3. Naknada članovima službi za pravne i ekonomske poslove za prisustvovanje sjednicama iznosi 500,00 dinara.

Pravo na naknadu iz ovog člana ne mogu ostvariti lica koja su radno angažovana u Glavnom uredu Vijeća.

#### **Član 5.**

Naknada za troškove prevoza radi dolaska na sjednice isplaćuje se u visini stvarnih troškova prevoza u javnom saobraćaju od mjesta stanovanja do mjesta održavanja sjednice organa i tijela Vijeća i to nakon održavanja sjednice.

Naknada troškova za prevoz sopstvenim automobilom iznosi 10% od propisane cijene za jedan litar pogonskog goriva po pređenom kilometru nakon održavanja sjednice.

#### **Član 6.**

Pravo na naknade iz člana 2. 3. i 4. ove odluke neće se ostvariti ukoliko:

1. Vijećnici, potpredsjednici, predsjednik i potpredsjednik Izvršnog odbora neopravdano izostanu sa sjednice Vijeća, u tom slučaju gube pravo na mjesečnu naknadu za mjesec u kome je održana sjednica Vijeća kojoj nisu prisustvovali;
2. Potpredsjednici Vijeća ne održe najmanje dvije sjednice radnih tijela kojima rukovode u procesu praćenja realizacije Akcionog plana za ostvarivanje prava nacionalnih manjina;
3. Predsjednik i potpredsjednik Izvršnog odbora ne zakažu i ne održe najmanje 2 sjednice mjesečno;

4. Predsjednici odbora Vijeća ukoliko ne zakažu i ne održe najmanje 2 sjednice mjesečno.
5. Vijećnici ukoliko ne prisustvuju sjednicama radnih tijela za praćenje realizacije Akcionog plana za ostvarivanje prava nacionalnih manjina, čiji su članovi, u tom slučaju gube pravo na mjesečnu naknadu iz člana 3. ove odluke za mjesec u kome su održane sjednice radnog tijela za praćenje realizacije Akcionog plana za ostvarivanje prava nacionalnih manjina;

Ukoliko se u jednom mjesecu ne održi potreban broj sjednica organa i tijela Vijeća iznos naknade iz člana 3. ove odluke koji se isplaćuje umanjit će se za 50%.

#### **Član 7.**

Na kraju mjeseca, sekretar Vijeća na osnovu evidencije, dobijene od Glavnog ureda Vijeća, donosi rješenje o ispunjenosti uslova za isplatu naknada propisanih ovom odlukom.

#### **Član 9.**

Isplata ostvarenih naknada vršit će se u skladu sa Pravilnikom o finansijskom – materijalnom poslovanju Bošnjačkog nacionalnog vijeća.

#### **Član 10.**

Stupanjem na snagu ove odluke prestaje da važi Odluka o naknadi za vršenje dužnosti u vijeću i organima i tijelima Vijeća broj: 26-09/2016 od 13.01.2016.

#### **Član 11.**

Ovu Odluku objaviti na oglasnoj tabli i internet stranici Bošnjačkog nacionalnog vijeća.

#### **Član 12.**

Ova Odluka stupa na snagu danom donošenja.

### **BOŠNJAČKO NACIONALNO VIJEĆE IZVRŠNI ODBOR**

Mjesto: Novi Pazar  
Datum: 14.10.2016.  
Broj:919-09/2016

Bošnjačko nacionalno vijeće  
Predsjednik Izvršnog odbora  
Doc.dr. Hasim Mekić

